

中國宗教歷史文獻集成之一

藏外佛經

藏外佛經

中國宗教歷史文獻集成編纂委員會編纂

藏外佛經

第二十二冊

黃山書社

新華書局
PDG

图书在版编目(CIP)数据

中国宗教历史文献集成. 22, 藏外佛经/周燮藩主编; 方广锬分卷主编. - 合肥: 黄山书社, 2005. 10
ISBN 7-80707-295-4

I. 中… II. ①周…②方… III. ①宗教-史籍-中国②佛教-文献 IV. ①B929.2②B94

中国版本图书馆 CIP 数据核字(2005)第 117042 号



藏外佛經二十二冊目次

明州阿育王山志十六卷

郭子章編 釋琬荃續輯
明刻本

一

天臺山方外志三十卷

傳燈撰
清刻本

二三六

吳都法乘(二)第一卷至第五卷

周永年撰
明刻本

五一

郭子章編 釋畹荃續輯

明刻本

明州阿育王山志十六卷

明州阿育王山志

明州阿育王寺志序

余生平事佛率以名理取勝多採諸最上乘門與吾靈臺有所發明者而雅尚之至於一切報應因果等說皆置而弗問中年宦轍四方多更事故凡有所求屢著昉鑾時雖或問問而未加詳焉殆萬曆庚子奉命討播酋以孤軍冒重圍

舉家百口入於萬死一生之地恐畏百至雖委身於國聽命於天而未嘗不有禱於

三寶禱即應應即審事非

阿育王寺志序二

影響加之與關侯通於夢寐播首授首多賴神助余於是不惟於報應之道加詳而於生平所尚名理益著近奉

旨歸養乃捨宅建忠孝寺皆所以報

國恩答神貺以彰至理之不誣也吾兒孔延孔太孔陵皆與余同茹荼甘昭格見聞故於此道頗遵庭訓陵兒以今歲壬子當

阿育王寺志序三

天王網羅多士之秋將試鉛槧於留都乃先渡錢塘踰鄧嶺覲阿育王寺真身

舍利一入殿堂如善財之
升彌勒樓閣無着之登竹
林精舍已禮舍利獲覩種
種祥瑞宿種既萌法雨復
潤未發者發已發者長即

阿育王寺志序四

於塔前蒔種種檀願施寶
龕一座製以旃檀飾以七
寶鏤刻精緻巧奪人目復
施種種供具兼為勸募修
葺塔殿重新先朝御製扁

額當是時有祕藏理法師
為住持理公通名理諳教
相勗徒衆精焚脩莊嚴淨
土於是焉賴理公嘗有意
於山志乃持是編以示吾

阿育王寺志序五

兒吾兒歸復持是編以進
余余念育王寺為天下第
一叢林蓋借重於如來舍
利光明自晉太康厯六朝
唐五代宋元至我

皇明萬曆壬子千有三百
四十九年其間靈異事蹟
國朝典故士庶投誠文人
翰墨使如國之有史家之
有乘日錄而年編之不啻
汗牛充棟已也乃今觀其
所集不過錄之碑碣抄之
藏典僅得數萬餘言至於
名公唱和又皆取實於小
師考信於野錄不無亥豕

魚魯之訛余每閱斯文未
嘗不置卷太息因倣侯開
府屠儀部普陀山志條以
義類立以十門門說四偈
門門各為一卷譌者正之
阿育王寺志序七
缺者補之若高僧則尋傳
燈錄補之以傳刪取機緣
為宗門提唱使後之作者
隨類而編入無續集之勞
蓋將舍利為如來衆製為

說法余偈為注脚如華嚴
塵說刹說依說正說主伴
重重無非華藏莊嚴不亦
四明三佛地之一盛事乎
因為之序

阿育王寺志序八

賜進士第資政大夫兵部
尚書前巡撫貴州兼督
理湖北川東等處地方
軍務都察院右都御史
秦和郭子章撰

明州鄞山阿育王舍利塔記

梵語舍利羅此云身骨惟我

世尊於曠大劫以金剛心薰修金剛三昧
直至成佛曾無異念故變緣生五蘊幻身
成金剛體即如來法身常住不壞永無生
滅佛十身中有力持身此其一也是以
如來應現娑婆示生迦維說法四十九年
化緣已畢於拘尸羅城娑羅林雙樹間入

舍利記

三

大涅槃時彼國王如法荼毘得舍利八斛
分為三分天上人間龍宮各起塔供養而
人間八國分之摩伽陀國阿闍世王得其
一分有八萬四千顆至阿育王有大神力
能役鬼神乃碎七寶末造八萬四千塔遍
散四洲而南閼浮提為身教地故塔居多
其來震旦者一十有九唯金陵長干與明
州鄞山顯赫最著予幼出家長干屢覩光

瑞種種不可名言雖未至明州蚤聞感應之徵今見理公所寄育王山志讀之感而嘆曰此我本師現在世間說法處也夫舍利者何乃一真法界常住真心廣大光明之體也諸佛證之為清淨法身菩薩修之為金剛心地衆生迷之為阿賴耶識其不壞者為佛性種子名佛知見以其衆生本具故佛出世特為開示使其悟入祖師舍利記

西來指之為心印是知衆生與佛無二無別第染淨熏變之不同耳以衆生無明業力念念薰蒸故感四大五蘊腥臊臭穢不淨無常敗壞之身其不壞者為輪迴業果歷劫不忘菩薩以之為定慧薰習得意生身調伏衆生淨佛國土其不壞者微妙功德成就莊嚴唯佛證之為清淨法身常住寂光身土不二其現大身則無量光明相

好居華嚴莊嚴名實報身其現小化則丈六金身示生人間與民同患而衆生見者但見緣生之佛不見法身真體將顯法化無二無常即常故入般涅槃而留舍利攝受衆生名力持身以示金剛不壞法身常住世間本無生滅去來之相故所現光相種種瑞應不可思議隨衆生心感而應現者即法身應機說法以離言三昧直指衆

舍利記

三

生本有佛性欲令見者當下了悟自心頓見法身不生滅性此與靈山踞座末後拈花有何異哉故佛出世說法四十九年無非指示此一大事而於法華一會開示衆生佛之知見以此知見即法身慧命故云此經在處應以七寶起塔况佛知見又為文字所障至若諸祖直捷示人而形於棒喝譏呵怒罵之間而人又以機鋒目之將

謂別有玄妙故悟之者希今者親見法身如來觀面為說不生滅法而人不悟諸已繫以光明瑞相視之誠謂當面錯過矣可不哀哉且而人也沉淪多劫流轉生滅今者何幸何緣一遇希有難遭之事猶自迷頭認影豈不有負真慈自昧本有可不為之大哀歟昔佛於法華會上自說法身壽量常住不滅比但托之空言未有若此見

舍利記

四

諸行事之深切著明者也惟普賢以十大願顯示法身乃曰請佛住世勸轉法輪常隨佛學之三者義昭於此初僧會至長干吳主孫權命求舍利期以七日不應展三七日中夜猶不應會稽首而哀請曰佛以慈悲為心苟不應則使此方衆生斷滅佛種矣於是痛舉佛號三稱遍身毛孔血汗迸灑即聽瓶中鏗然有聲光燭天地啟之

則舍利宛在瓶中矣劉薩訶身陷地獄將無出期乃聽梵僧指求舍利為懺罪地故感寶塔從地湧出是知康為人劉為已均皆普賢勸請之意也若夫種種莊嚴供養守護讚歎者豈非常隨佛學者歟且也佛性之在衆生固其迷矣若夫般若光明常然而不昧者發於行事若世之忠臣孝子志士仁人凡所施作致君澤民而為不朽

舍利記

五

之事業者豈非法身所流衍乎其歷代帝王崇奉興隆者詎非法王之利見乎總之無一衆生而不具有此性故見聞隨喜禮拜供養者無異親承接足即布身命罄所有竭內外施而為莊嚴特為自性受用地耳若夫一覩舍利頓破無明了悟法身長捐生或永出迷途者是在上根利智夙具間薰緣熟於當下者不無其人也由是

觀之累代 王臣興建於前太宰陸公相
國沈公重興於昔司馬郭公及諸公子再
振于今且托法身於毛端三昧以見不朽
是又皆普賢願輪所持也鄮山住持理公
豈佛稱空生身子為長老乎予自信靈山
一會儼在目前說法音聲熾然無間者也
故特書此以告見聞隨喜禮拜供養者不
得以色相求之也

舍利記

六

明萬曆四十七年歲次己未佛降生日

匡山五乳法雲寺憨山沙門釋德清

撰



伏讀

憨大師所撰舍利記合掌讚歎誠為第一希有若非文
字般若從三昧流出安得具大辯才善說法要如此余
謂住持理公曰此記住處即舍利塔普願法界一切衆
生皆以香花供養而敬禮之理公字秘藏余同參兄
陵人也今梓而布之為作隨喜功德

四明山僧圓復跋



叙阿育王山志
西昌郭大司馬精忠純
孝樹闢土之勲世拜
聖書無虛歲公獨歸功
於
佛佑帥其家茹澹忍苦
序一
內外竭施慮不克報
慈恩則又嚴飾鄮山舍
利塔志在始末垂之永
久其姁子太季子陵及
育王理公皆蓮城再來
人也每向予述舍利靈

序二

卷三

而珍慧識不珍慧識而
珍靈光借此靈光橫彼
迷雲而司馬深遠笑諸
伯塵說利說放
如來未放之光開衆生
不開之眼試問隨喜者

序四

還無疑否

萬曆丙辰仲冬吉

太子洗馬安成覺海居

士鄒德溥拜手識



明州阿育王山志序

今震旦獨明州有舍利塔
自余少覽圖記不無詫于
其說亦自嘆夏竦之難信
未敢以平堵淳地為三
唐矣已遊其處證靈其蹟
具在塔質青瑩古怪鐫鏤
生動非人巧所得摹不
俟暗費光為世神物可
思議矣云舍利是如來靈

骨又有髮舍利肉舍利未
必素質可數有此殊相佛
成因果棄捐六根知有相
之不存乎世也獨其神奇
駐結茶毗不燬則為舍利

序

二

要亦不必盡然如洞師歸
誠於文潞一祝漏瓶則直取
之懷矣文捷行遠軍持
速緩去住神變多方則惟
其人之石矣咸乎佛乎似

汗溲身飛空墮地即汗即
珠又無幻之不真焉諦諸
普門舍利不盡於此而舍
利靈亦可略略於此余所
沿睹一磬懸塔中不盈三

序

三

寸舍利懸磬中歷代崇
奉示現所稱如其實已如
淨九已如灰最後如車輪
種種現相道費而隱俗之
驚懾或在于此而余所敬